

中國佛寺志叢刊

趙樸初



明・吳之鯨撰

武林梵志
(下)

廣陵書社

武林梵志卷七

明 吳之鰲 撰

天朝龍錫

夫覆載之中浩蕩均洽帝力何自止仁無私而綸綍所及日月光華神鬼擁護士受一命且由泥蟠倏升層霄矧車書大同之日梵教章明禮樂刑政兼收並用而非藉簡命之隆何以宣敷休美又况歷劫兵火滄桑幾變空王臺殿歸然獨存豪舉無所施謀駢脅莫由展力則天朝之重弈世不磨者也詳考武林梵刹大多肇于石晉盛于吳越王父子至南宋極矣元季漸蝕入皇朝次

第重建其錫賚之大者如創寶利賜庄田賜帑金賜滲金如來像銅迦毘羅神銅深沙神金銅羅漢像紫衣玉珖金襴袈裟水晶數珠金澡瓶費或千百計而文字翰墨之寵則藏序偈說號謚銘讚賜碑賜額以及飛白羅扇一字一畫比于赤刀天球召對禮遇之隆寵則命坐賜茶諏訪溫諭以及御祭賜龕為存為沒不減莊嚴七寶志中所載大畧因寺以存復舉則駢枝詳列則裝積竊亦有尠見焉吳越檀魚鹽之饒建國都于斥鹵物力充牣金碧耀射多名功德院以侈一時之盛至今著稱鼻祖斯以隆矣南宋移鼎自汴龍鳳協祥然自太宗真

宗仁宗神宗咸有勅額歌頌則契嵩宗本諸公實能感
之高孝以下皆緣見聞作佛事若理宗為一寵嬪製七
十二殿九井十三池何異阿房宮耶惟我聖祖普賜天
下叢林各有額錄僧司正副督其事容光必照正明等
覺始無偏無側矣成祖召有行者宿纂修大典預其盛
者俱蒙異數以及列宗頒賚金藏葺寺鑄像所至頂禮
發諸善心皆列本寺以彰隆遇不復析紀

皇上寵錫勅賜瑞蓮觀音大士像一軸上有廣運之寶
及御製讚一首惟我聖母慈以格天感斯嘉兆闕產瑞
蓮加大士像圖寫流傳延國福民霄壤同堅

萬曆二十八年勅諭杭州府淨慈寺住持及僧眾人等
朕發誠心印造佛大藏經典頒施在京及天下名山寺
院供奉經首護勅已諭其由爾住持及僧眾人等務要
虔潔供安朝夕禮誦保安眇躬康泰宮壺肅清懺已往
愆尤祈無彊壽福民安國泰天下太平俾四海八方同
歸仁慈善教朕成恭已無為之治道焉各宜仰體知悉
欽哉故諭

萬曆十六年皇上賜上天竺寺千佛旂二掛大士像一
軸

武林梵志卷七

武林梵志卷八

明 吳之鯨 撰

宰官護持

昔世尊以佛法付國王大臣而宰官居士名碩
鉅工能文章著經濟者無不究心內典皈禮香
林夙業往因根葉自應非特若房次律蘇子瞻
之以夢以徵表表著見也武林山水既勝車轍
不虛先詰翰藻為禪林癡樹者盡唐宋以來諸
公什且八九列之尺幅儘堪仰止而愚嘗謂前
代有其人不善其事善而必不可廢者王欽若



趙師翼之放生是也然飛泳德生宸章已先之
矣有其人不善其事不善而必不能廢者楊駝
之鑿石為佛是也然錢武肅宋宰臣已先之矣
頃西湖勝蓮社雲棲大師建放生會歷二十餘
年不廢自可延之永久而寶成一片石藉有三
佛二詩遂不能湮沒其光輝則鑄佛亦有補與
至若一詠一歌令人于蒼烟綠水之中尚彷彿
獅狔法座則護持之功要非淺也今即本郡名
賢及流寓梵宇有交遊有題詠者槩其生平曠
括大節并紀禪喜以供達人寥廓之賞以證堅

猛參求之效如其未備以俟來者

陶潛字淵明一字元亮為彭澤令之官八十日即解印
去賦歸來去辭及宋受禪居柴桑門前植五株柳因以
五柳自號焉閒靜寡言不慕榮利好讀書不求甚解開
卷有得便欣然忘食見樹木交蔭時鳥變聲亦復欣然
有喜常住來廬山天目間使一門生二兒舁以行時遠
公為西方之社以書招淵明淵明曰若許我飲即往許
之遂造焉嘗著搜神記多載佛之靈驗有天目詩

謝靈運元之孫家于上虞少好學博覽羣籍文章稱江
左第一仕宋為永嘉太守襲祖父封爵故世稱康樂靈

運負才傲世至廬山見遠公肅然心服即寺築臺譯涅槃經三十六卷嘗撰佛讚曰惟此大覺因心則靈垢盡智照數極慧明三達非我一援羣生理蘊心行道絕形聲菩薩讚曰若人仰宗發性遺慮以定養慧和理斯附爰初四等終然小住涉求至矣在外皆去緣覺聲聞讚曰厭苦情多兼物志少如彼化城權可得寶誘以涅槃救爾衰老肇元三事翻成一道此山天竺有靈運讀書臺

范元琰字伯珪錢塘人少通經史精了佛義以忍辱為究竟法嘗出行見人盜松遽退走母問其故對曰畏其

愧恥故也齊梁間累辟不就

楊銜之為期城太守達磨至魏請師開示宗旨師說偈曰亦不觀惡而生嫌亦不觀善而勤措亦不捨智而近愚亦不拋迷而就悟達大道兮過量佛通心兮出度不與凡聖同躔超然名之曰祖銜之悲喜交并曰願久住世間化導羣有撰洛陽伽藍記五卷為梵志之祖

褚亮字希明錢塘人博學通圖史陳後主召見賦詩江總諸詞人皆服其工後仕唐為宏文館學士嘗與暹律師書云近于華嶽創立僧宇此山蘊蓄竒秘控接烟霞法師等學洞經典譽宣真俗仰願俯從微請降迹來儀

則釋遠禪居遙蹤可擬王珣精舍清塵不昧

褚遂良字登善錢塘人貞觀二十二年太宗宣元奘法師譯經流布遂良入奏曰佛教冲元天人莫測言本則甚深語門難則入陛下擁護五乘建立三寶當叔葉而秀質間千載而挺生陟重險以求經履危途而訪道見珍異俗具獲真文歸國翻宣若庵摩之始脫精文奧義猶金石之新開况天慈廣遠使布九州蠢蠢黔黎俱參妙法臣等億劫難逢不勝欣幸遂良博涉文史工楷隸多流布梵宇

賈島字閻仙范陽人初學浮屠法名無本後舉進士為

長江薄然始終依禪理不廢如寒蔬修淨食夜浪動禪
牀竹陰移冷月荷氣帶禪關並非火食語後李洞慕閬
仙之為人鑄銅像事島嘗念賈島佛有靈隱寺詩

駱賓王義烏人七歲能賦詩武后朝數上疏言事徐敬
業討亂賓王為敬業傳檄天下斥武后罪敬業敗賓王
亡去不知所之或者乃謂敬業反賓王被誅謬矣太平
廣記載之甚詳按記云唐考功員外郎宋之問以事累
貶黜放歸江南遊靈隱寺夜月極明長廊散步因賦詩
曰鷺嶺鬱岵堯龍宮鐸寂寥第二聯沈吟未就有老僧
點長命燈坐大禪牀應聲曰何不云樓觀滄海日門對

浙江潮之問愕然訝其道麗遂續終篇曰桂子月中落
天香雲外飄捫蘿登塔遠剗木取泉迸霜薄花更發冰
輕葉未凋待入天台路看予度石橋僧所贈句乃一篇
之警策遲明更訪之則不復見矣寺僧有知者曰此駱
賓王也之問詰之對曰當徐敬業之敗與賓王俱追捕
之不獲將帥慮失渠魁罪且不測因求類二人者函首
以獻故敬業得為衡山僧年九十餘乃卒賓王亦落髮
徧遊名山至靈隱以周歲卒

李白字太白成紀人唐宗室天寶初至長安往見賀知
章知章見其文歎曰子謫仙才也言于元宗召見金鑾

殿賜食上親為調羹詔供奉翰林白嘗著西方淨土贊
曰向西日沒處遙瞻大悲顏目淨四海水身光紫金山
動念必往生是故稱極樂珠網珍寶樹天花散香閣圖
畫了在眼願托彼道場以此功德海冥祐為津梁八十
一劫罪如風掃輕霜庶觀無量壽長願玉毫光有遊天
竺寺遊淨明院詩

李泌字長源京兆人七歲知為文元宗召見呼為奇童
使與太子為布衣交後謁肅宗于靈武入議國事出陪
輿輦兩京之復泌之翼贊居多初無妻不食肉代宗強
詔食肉娶妻德宗朝進禮部尚書同平章事封鄧侯開

言才
六
瓚禪師居南嶽人號懶殘必往謁之聞其經聲先悲愴而後悅豫知其為謫墮之人不久將去候之良久而剖問道師曰碎却筆硯方可談此撥火出芋食之必至中夜復請曰終無一言見教乎師撫其背曰領取十年宰相至是必用事為帝言其高行詔徵之使者至石窟宣麻瓚含涕垂膺凝然端坐不以介意使回以聞德宗益歎異之必開杭州六井利賴無窮今祠孤山

虞允文參政云李泌見靈隱道祖首座一日為眾入室既畢復有僧問曰生死到來如何迴避祖即屹然而去圍悟亟至其所連呼祖首座遂開眼圍悟抖擻精神透